

Die Liebe

Text & Musik: CAT BALLOU - Verlag: Manuskript - Homepage: www.catballou.de

Mer stonn zosamme bes an't Engk
Uch wenn dat etz dr Anfang es
Ejal wie lang et durt
Immer bes et fäädisch es
Du häls immer noch zo mir
Ejal wie off ich et och verbock han
Trone sin jeflosse
Un do kumme bestimmp noch mih

Refrain:

**Doch die Liebe kann trösten
Bes all dinge Schmerz verjeiht
Die Liebe kann schön sin
Su wie die Sonn am Horizont
Die Liebe weed wieh dunn
Bes ne staatse Kääl am kriesche es
Die Liebe kann alles
Doch se brengk dich nit zoröck**

Mer stonn zosamme bes an't Engk
Mer han et och bisher jeschaff
Nit nur einmol schon jefalle
Ens hart, ens weich jeland
Do luurs mich immer noch su an
Su dat ich verlore bin
Verlore em Jlöck
E Jeföhl dat jeder bruch

Refrain: Denn die Liebe kann trösten ...

Die Liebe es groß
Vill jrößer wie dr Dud
Die Liebe schaff Fridde
Driht dat Böse einfach röm
Die Liebe kann waade
1000 Johr, bes du och versteihs
Die Liebe kann alles
Doch se brengk dich nit zoröck

Quelle: www.youtube.com – Offizielles Video